



UNIVERSITÄTS-
BIBLIOTHEK
PADERBORN

Universitätsbibliothek Paderborn

Unus Pro Omnibus, Hoc est: Christus Jesus Dei Filius

Ginther, Anton

Augustæ Vindellicorum, 1733

VD18 12431648

Consideratio X. Crux dominica est scala Jacob, & segura animæ Christianæ
ad cælum semita.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)

Hæc omnia facta sunt illis in figura, scriptura sunt autem propter nos: Per sponsum Isaac præfiguratus est sanguinum Sponsus Christus ^{S. A. brof. &} & hic crucifixus, per Rebeccam Ecclesia, cujus tunc illa typum gessit, ^{S. Aug. citati} hanc Christus dotavit, & locupletavit pluribus thesauris ac divitiis; ^{Quarlesmio} Per in aures fides denotatur, fides enim ex auditu, per armillas aureas, ^{10. 4 cap. 3.} quæ sunt manuum & brachiorum ornamenta, bona opera indicantur: Per vasa aurea & argentea doctissimus Quaresmius septem sanctæ Ecclesiæ Sacramenta intelligit, quæ sunt vasa gratiæ ac meritorum Christi crucifixi, quæ nobis suo sanguine promeruit; Per vestes pretiosas gratiam divinam subaudi, hæc est enim vestis illa nuptialis, sine qua ad nuptias Agni non pervenitur. Ex quibus omnibus satis superque liquet, quantum Christus Dominus suam sponsam Ecclesiam, & tuam dilexerit animam. Juvat hic audire S. Paulum: *Christus, inquit, caput* ^{Ephes. 5. 23.} *est Ecclesia: ipse Salvator corporis ejus. Christus dilexit Ecclesiam & se ipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet sibi ipsi gloriosam Ecclesiam, non habentem maculam, aut rugam, aut aliquid hujusmodi, sed ut sit sancta & immaculata &c.* Cæterum quod de sponsa Christi Ecclesia hic dicitur, subaudiri etiam debet de anima tua, homo Christiane! Vide proinde & cura, ut imposterum anima tua sit sancta & immaculata, ac digna Christi crucifixi Sponsa.

O quam felix tunc eris in mortis articulo!



CONSIDERATIO X.

Cruce Dominica est Scala Jacob, & secunda
animæ Christianæ ad cælum semita.

Vidit in somnis scalam stantem super terram; & cacumen illius tangens cælum. Gen. 28. 12.

I.

Cum Isaac Patriarcha jam in provecta constitutus ætate, prudenter prævideret, quod Jacob filius ob præreptam Esau fratri suo benedictionem vix amplius tutus in paterna domo posset consistere (Minitatus enim erat Esau fratri suo: *Venient dies luctus patris mei, & ego occidam fratrem meum*) Jacobum ad ^{Gen. 27. 41.}

E 2

le

Gen. 28. 12.

se vocavit, & cum paterna benedictione in Mesopotamiam dimissum ablegavit, ut illic locorum sibi sponsam deligeret, & tali occasione fratris iram declinaret. Paruit Jacob patris imperio in omnibus; Et Ecce! cum de nocte intempesta necessitate compulsus, in patenti campo super lapides somnum capefferet: *Vidit scalam stantem super terram; & cacumen illius tangens cælum: Angelos quoque Dei ascendentes & descendentes per eam, & Dominum innixum scala.* Mirabilis visio, ac plena mysteriis: Vidit autem Jacob in hac mirabili scala non tantum Angelorum multitudinem per illam ascendentium & descendentium, sed & Angelorum Dominum, qui utraq; extensâ manu hanc scalam stantem tenebat: *Vidit Dominum innixum scala.* Et cur, obsecro, ipse Dominus hanc tenebat scalam?

S. August. serm. 79.

R. S. Augustinus, quod per dictam cœli scalam peraptè crux Dominica intelligatur: *Dominus*, inquit, *scala incumbens est Christus in cruce pendens, crux enim scala cœli est, per quam Christus hominem lapsam levavit ad Patrem.* Per hanc scalam omnes Sancti & electi Dei in cœlum ascenderunt, & adhuc ascendunt, nec ullus est in cœlesti patria incola, qui sine cruce ad æternam pervenisset gloriam. Tu, qui hæc legis, vel audis, attende, an pariter in hac scala sis, secus toto cœlo aberras, nec aliam tibi DEUS ad cœlum viam pinget, quàm viam sanctæ crucis. Audis bene? Sed pergo.

Matth. 16. 21.

2. Christus Dominus, ubi Petro claves Ecclesiæ promisit, mox eum, ceterosque discipulos edocuit de via crucis: *Exinde cepit Jesus ostendere discipulis suis, quia oporteret eum ire Hierosolymam, & multa pati à Senioribus, & scribis, & principibus Sacerdotum, & occidi, & tertia die resurgere.* Indignè hoc ferebat Petrus, quapropter Christum seorsum assumens (quia coram aliis non audebat ipsum increpare) ei ex vehementi, quo in ipsum ferebatur amore, candidè in faciem dixit: *Abstine à te Domine, non erit tibi hoc,* quasi diceret: *Quid tu Domine? qui Christus & Filius Dei vivi es, cum morte crucis? non erit tibi hoc, non enim convenit Filium Dei crucifigi, ac morte tam indigna perire; ad quem Dominus conversus dixit: Vade post me satana, scandalum mihi es, quia non sapis ea, quæ Dei sunt, sed ea, quæ hominum.* Quares, quare Petrus aded hinc à Christo fuerit increpitus, cum tamen optimam habuerit intentionem?

Respondent Patres, quia voluit impedire passionem ejus & crucem, quæ tamen est unica via & scala in cœlum, per quam Christus prius in cœlum ascendit, nobisque viam monstravit, quâ sit eundem; proinde mox adjecit: *Si quis vult venire post me, abneget semetipsum, & vallat crucem suam, & sequatur me;* Supra quod S. Chrysostomus:

Tu ô Petre, dicis mihi: Propitius esto tibi (vel parce vitæ tuæ) ego autem dico tibi, quoniam non solum prohibere à passione nocivum tibi est, sed neque salvari poteris. En anime mi, hic habes scalam, apprehende eam fortiter, si vis ad cælum venire; Christus præit, sequere eum; & quis non aveat sequi Christum Dei Filium? & tu quid? Recollige te apud te-metipsum, qualis sic amator & imitator crucifixi JESU; adhuc dico: Recollige & statue &c.

3. De Juda refert scriptura, quòd in ultima cœna, cùm ageretur, diabolus in cor ejus immiserit, ut Christum magistrum suum traderet Judæis. Et factum est ita. Sed advertite ulterius; ubi Pilatus Judex Romanus ad instantiam Judæorum iniquissimam contra Christum nunc ferre voluit crucis & mortis sententiam, misit ad eum uxor ejus Claudia Procula, dicens per submissum fidelem famulum: Nihil tibi, & justo illi: multa enim passa sum hoc & per visum propter eum. Et quare hoc?

ꝛ. S. Ignatius Ep. & M. Cùm paranda esset crux, diabolus tumultuabat, & pœnitentiam inmisit proditori, & mulierculam turbavit in somnis, & ut à crucifixione cessaret, indicere moliebatur; suam ipsius perniciem sentiebat.

Ecce cùm paranda esset scala ad cælum, per quam Christus de hac terra primus ad Patrem ascenderet, atque innumeros alios per eandem crucis scalam ad se attraheret, tumultuabatur diabolus. Anime mi! Sine tumultuari diabolus; sic enim oportuit fieri, & ita Christum intrare in gloriam suam, & non per aliam quàm crucis viam; sic pari modo oportet, ut & tu per eandem sequaris scalam; ita decrevit DEUS, ita Scriptura docet, ita præcesserunt SS. Apostoli, Martyres, Confessores, Virgines, Viduæ, Sanctique omnes. Et tu quid? ô delicate miles! tunc sine cruce, sine labore, sine tribulatione ad æternam vis pervenire lætitiâ? Absit gloriari nisi in cruce Domini nostri Jesu Christi, hanc amplectere, hanc sequere.

4. Videamus modò, qualiter fuerit tumultuatus diabolus. Ubi Christus, vita nostra, jam hanc crucis scalam in monte Calvario ascendit, per quam in cælum conscenderet, & nos unâ secum in altum elevaret, observavit astutissimus diabolus, qui tunc juxta Venerabilem Bedam in crucis cornu sedebat, ex infinita Christi patientiâ & signis, quæ fiebant, hunc ipsissimum esse promissum orbis Redemptorem, atque per eum regnum suum ac dominium esse evertendum, quapropter de novo Judæos instigavit, quatenus nunc peterent, ut erucem rursus desereret Christus, & ex ea descenderet: Si Filius Dei es, desce de cruce. O impii & execrandi Deicidæ! prius allaborastis, ut Rex Judæorum tolleretur in crucem: Tolle, tolle, crucifige eum; nunc cùm in crucis scala est ad oppugnandum cælum, iterum succlamatis:

Si Rex Israël est, descendat nunc de cruce, & credimus ei, nunc vultis, ut in crucem agatur Messias vester, nunc iterum desideratis, ut de illa descendat.

S. Bernhard.
serm. 1. in die
Paschæ.

Hoc opus diaboli fuit, subintrat hic S. Bernhardus, & antiqui serpentis astutia, sic enim reliquisset DEUS & Homo Christus opus salutis nostræ imperfectum, proinde noluit patientissimus Dominus (licet hoc potuisset facere) de crucis scala descendere, quia ex Patris imperio in cruce debebat, & voluit mori, ut nos à morte perpetua redimeret, nobisque scalam pararet, per quam ascenderemus in cœlum. Eja Christiani! ascendamus & nos alacriter per hanc crucis scalam, ut ad optatam perveniamus requiem; En Christus ipse eam nobis tenet expansis & perforatis manibus, ne in hoc arduo ascensu cadamus. Sursum corda! Ecce *Dominum innixum scala.*

5. Anno Christi 203. Tuburbi in Mauritania pro Christo crucifixo felicem martyrii cursum consummarunt S. Felicitas & S. Perpetua, ambæ conjuges & honestissimo matrimonio junctæ. Felicitas, quia prægnans erat, à tyranno juxta Leges Gentilium expectata est, donec in carcere pareret; Quæ, cum vehementes partus dolores sentiret, pro more parturientium altum ingemuit. Audierunt hoc ceteri Christiani cum illa incarcerati: Et quomodo, dicebant, ô Felicitas! cras martyrium sustinebis, ferrum, ignem, catallas, bestias, confractioem ossium, membrorum divisionem, ac totius corporis contritionem, cum nunc in partu ob leviores tantoperè ingemiscis dolores! quibus S. Felicitas: Nunc, inquiebat, in partu debitas humanæ naturæ pœnas persolvo, quia Evæ dictum fuit: *In dolore paries filios tuos*, cras autem protegente divinâ gratiâ pro Christo, amore meo crucifixo omnia supplicia ac cruciatus læta sustinebo. Interim dum hæc fiunt, S. Perpetua, quæ lactentem in carcere nutrebat parvulum, prægrandem scalam usque ad cœlum pertingentem conspiciat, quæ scala hinc atque inde peracutis erat armata cultris ac gladiis, ad cujus pedes formidabilis jacebat draco, SS. Martyribus per eam ad cœlum ascensuris non levem incutiens terrorem. Verùm cum S. Sartyrus adhuc puer & in lege Christiana optimè instructus, primus generoso animo hanc scalam ascendit, S. Perpetua cum ceteris Christianis, martyrii Candidatis, animata, pari animi generositate ad martyrii locum properavit, ubi S. Felicitas cum S. Revocato fratre suo à Leopardo occisa atque discerpta, S. Perpetua verò, quam nec parentis, nec conjugis, nec parvuli lacrymæ permovebant, furenti vacca ac leoni objecta, & tandem gladio pro Christo trucidata est. Sic feliciter hi SS. Martyres per crucis scalam ad cœlestem transferunt gloriam.


6. Care-

6. Cæterum plures Sancti ac Sanctæ Dei similes videbant cœli
scalas. S. Pardulpho S. Michaël Archangelus candidam scalam usque Nadal. in
ad cœlum pertingentem ostendit, Anno cœlest. cuius summitati ipse DEUS erat 21. Decembr.
innixus, qui S. Pardulphum, ut eò ascenderet, & coronam gloriæ à se
acciperet, peramanter invitavit.

S. Romualdus Camaldulensium Monachorum Fundator, qui in
summa vitæ austeritate annos centum & viginti DEO inserviit, simi- Brev. Rom.
lem scalam à terra cœlum pertingentem conspicatus est, per quam 7. Febr.
homines in veste candida ascendebant & descendebant.

V. F. Leo inter primos & charissimos S. Francisci Seraphici so- Ex Chronico
cios duas scalam juxta se invicem positas, unam rubei, alteram candidi Minorum lib.
coloris, usque ad cœlum porrectas vidit, in apice rubicundæ scalam 6. cap. 17.
stabat Christus, in candida B. Virgo suos in cœlum invitantes Clientes.

Agite Christiani! Ecce parata est vobis similis cœli scala; ve-
nite ad crucifixum JESUM & SS. Matrem ejus
dolorosam &c.



CONSIDERATIO XI.

Terebinthus, sub qua Jacob idola info-
dit, figura SS. Crucis Dominicæ.

*Ego quasi Terebinthus extendi ramos meos, & rami mei
honoris & gratia. Eccli. 24. 22.*

1.

Jacob Patriarcha, cum tandem post longam servitutem cum co-
piosa familia in patriam reditum pararet. ut ibidem stabilem se-
dem figeret, statuit quanto cyus universam suam ab omni idolo-
latria expurgare familiam; in quem finem DEO T. O. M. pub-
licam aram ex solido lapide, quem oleo prius intunxerat, ædi-
ficavit, serio imperans omnibus ac singulis suis domesticis, ut deos
alienos & idola Labani, quorum cultui prius addicti erant, abjice-
rent, & horum loco DEO vero, vivo & unico pro omni possibili
modo inservirent. Parenti domesticis omnes, & non solum aurea
idola,